



Broj: 2822/26

Datum: 24.08.2026. godine

Na osnovu člana 64. stav (1) tačka b), člana 70. stav (1), (3) i (6), člana 71. i člana 72. Zakona o javnim nabavkama („Službeni glasnik BiH“, br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova broj: 2448/22 od 30.12.2022. godine i broj: 481/23 od 17.03.2023. godine, na Preporuku Komisije za provođenje postupka javne nabavke broj: 2815/26 od 21.08.2026. godine, direktor JP „LOKOM“ d.o.o. Sarajevo, **d o n o s i**

O D L U K U O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za nabavku broj: 2815/26 od 21.08.2026. godine, te se okvirni sporazum za javnu nabavku „Nabavka i sukcesivna isporuka mesa i mesnih prerađevina – **LOT 2: Nabavka i sukcesivna isporuka pilećeg i purećeg mesa**“ dodjeljuje ponuđaču EURO MEAT d.o.o. Maglaj, sa sjedištem u Maglaju, na adresi 1. Marta bb, za ponuđenu cijenu u iznosu od 63.590,00 KM bez PDV-a, odnosno 74.400,30 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama, s obzirom na to da su isti dostavljeni uz ponudu u skladu sa zahtjevima tenderske dokumentacije.

Član 3.

Ova Odluka objavit će se na web stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Protiv ove Odluke može se izjaviti žalba u roku od 10 (deset) dana od dana prijema iste, u skladu sa odredbama Zakona o javnim nabavkama.

O b r a z l o ž e n j e

Postupak predmetne javne nabavke pokrenut je Odlukom o pokretanju postupka javne nabavke broj: 2599/26 od 29.07.2026. godine. Nabavka je provedena putem otvorenog postupka i podijeljena je na dva lota, uz mogućnost dostavljanja ponude za jedan lot, više lotova ili sve lotove, i to: LOT 1: Nabavka i sukcesivna isporuka crvenog mesa i mesnih prerađevina i LOT 2: Nabavka i sukcesivna isporuka pilećeg i purećeg mesa.

Ukupna procijenjena vrijednost predmetne javne nabavke iznosi 200.000,00 KM bez PDV-a, dok procijenjena vrijednost za LOT 2 – „Nabavka i sukcesivna isporuka pilećeg i purećeg mesa“ iznosi 63.600,00 KM bez PDV-a.

Obavještenje o nabavci i tenderska dokumentacija su objavljeni na Portalu javnih nabavki dana 29.07.2026. godine u 15:46 sati pod brojem: 269-1-1-88-3-78/26, a sažetak Obavještenja o nabavci objavljen je u „Službenom glasniku BiH – Oglasnik javnih nabavki“, broj 54/26, dana 31.07.2026. godine.

Komisija za nabavku imenovana je Odlukom broj: 2600/26 od 29.07.2026. godine.



Nakon isteka roka za dostavljanje ponuda, Zapisnikom o prijemu ponuda broj: 2797/26 od 19.08.2026. godine i Zapisnikom o otvaranju ponuda broj: 2798/26 od 19.08.2026. godine, konstatovano je da su za LOT 2 – „Nabavka i sukcesivna isporuka pilećeg i purećeg mesa“ blagovremeno zaprimljene dvije ponude, i to ponude sljedećih ponuđača: EURO MEAT d.o.o. Maglaj, 1. Marta bb, 74250 Maglaj i GOLD MIGNON d.o.o. Sarajevo, Olimpijska bb, 71000 Sarajevo. Neblagovremeno zaprimljenih ponuda nije bilo.

Komisija je, u skladu sa članom 65. Zakona o javnim nabavkama Bosne i Hercegovine, izvršila pregled i ocjenu dostavljenih ponuda, o čemu je sačinila Zapisnik o pregledu i ocjeni ponuda broj: 2814/26 od 21.08.2026. godine.

Pregledom i ocjenom ponude ponuđača EURO MEAT d.o.o. Maglaj utvrđeno je da je ponuda pripremljena u skladu sa zahtjevima i uslovima utvrđenim tenderskom dokumentacijom, te je ista ocijenjena kao prihvatljiva. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), izvršena je provjera računske ispravnosti ponude, pri čemu nisu utvrđene računske greške.

Ponuda ponuđača „GOLD MIGNON“ d.o.o. Sarajevo ocijenjena je kao nepravilna i neprihvatljiva. Pregledom ponude utvrđeno je da ista nije čvrsto uvezana na način propisan tačkama 4.2.5. i 4.2.6. tenderske dokumentacije, članom 58. stav (2) Zakona o javnim nabavkama i članom 8. stav (2) Uputstva za pripremu modela tenderske dokumentacije i ponuda, zbog čega nije pripremljena u skladu sa zahtjevima tenderske dokumentacije i predstavlja nepravilnu ponudu u smislu člana 2. stav (1) tačka 1) alineja 3) Zakona o javnim nabavkama.

Pored navedenog, ponuđena cijena za LOT 2, u iznosu od 88.048,80 KM bez PDV-a, prelazi iznos planiranih, odnosno osiguranih novčanih sredstava ugovornog organa za predmetni lot, koji iznosi 63.600,00 KM bez PDV-a. Slijedom navedenog, predmetna ponuda predstavlja i neprihvatljivu ponudu u smislu člana 2. stav (1) tačka 1) alineja 2) Zakona o javnim nabavkama.

Imajući u vidu navedeno, Komisija je zauzela stav da se ponuda ponuđača „GOLD MIGNON“ d.o.o. Sarajevo odbaci kao nepravilna i neprihvatljiva, u skladu sa članom 68. stav (4) tačka i), u vezi sa članom 2. stav (1) tačka 1) alineja 2) i alineja 3) Zakona o javnim nabavkama Bosne i Hercegovine.

Tenderskom dokumentacijom, tačkom 4.12., predviđeno je provođenje e-Aukcije. Budući da je za LOT 2 zaprimljena samo jedna prihvatljiva ponuda, Komisija je postupila u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23), kojim je propisano da se, u slučaju prijema jedne prihvatljive ponude, e-Aukcija ne zakazuje. Shodno navedenom, Komisija je utvrdila sljedeću rang-listu prihvatljivih ponuda:

1. EURO MEAT d.o.o. Maglaj – 63.590,00 KM bez PDV-a.

Ponuda ponuđača EURO MEAT d.o.o. Maglaj, kao jedina prihvatljiva ponuda, predstavlja najpovoljniju ponudu u skladu sa kriterijem za dodjelu ugovora „najniža cijena“.

U predmetnom postupku javne nabavke Komisija je dostavila ugovornom organu Zapisnik o pregledu i ocjeni ponuda broj: 2814/26 od 21.08.2026. godine, Preporuku o izboru najpovoljnijeg ponuđača broj: 2815/26 od 21.08.2026. godine, kao i Izvještaj o radu Komisije broj: 2816/26 od 21.08.2026. godine.

Na osnovu rezultata pregleda i ocjene ponuda, Komisija je dala preporuku ugovornom organu da, u skladu sa članom 70. Zakona o javnim nabavkama, donese Odluku o izboru ponuđača EURO MEAT



d.o.o. Maglaj kao najpovoljnijeg ponuđača za LOT 2: „Nabavka i sukcesivna isporuka pilećeg i purećeg mesa“.

Uvidom u provedeni postupak i dokumentaciju sačinjenu u toku postupka, ugovorni organ je utvrdio da je Komisija pravilno izvršila pregled i ocjenu ponuda, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Ugovorni organ stoga nije utvrdio razloge, nepravilnosti niti propuste u radu Komisije koji bi predstavljali osnov za neprihvatanje date preporuke.

Imajući u vidu navedeno, a na osnovu člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

JP „LOKOM“ d.o.o. Sarajevo
Direktor

Edin Čano

Dostaviti:

1. EURO MEAT d.o.o. Maglaj,
2. GOLD MIGNON d.o.o. Sarajevo,
3. Referent za marketing (objava na web stranici),
4. Komisija za javne nabavke,
5. U spis predmetne nabavke,
6. a/a.

